

ZUMARRAGAKO ZALDI ABEREEN SARIKETAKO ARAUDIA 2025

1.- Sariketara ekar daitezkeen abereen zehaztasunak

Pottoka zaldi-arrazakotzat hartuko dira Ingurumen, Lurralde Plangintza, Nekazaritza eta Arrantzako sailburuaren 2010eko azaroaren 12ko Aginduan “Euskal Poneya edo Pottoka” zaldi-arrazaren arau espezifikoekin bat datozenak.

Euskal Herriko Mendiko Zaldia zaldi-arrazakotzat hartuko dira Nekazaritza eta Arrantza Sailak araututako arraza-prototipoarekin bat datozenak, 2015eko azaroaren 30eko Aginduan “Euskal Herriko Mendiko Zaldia” zaldi-arrazaren liburu genealogikoari buruzko arau bereziak onartzen dituenak.

Haragitarako zaldi aberetzat hartuko dira bretoi arrazaren, arraza ardandarraren edo pertxeroiaren adarretik nahiz horien arteko nahasketatik datozen zaldiak. Abere horien ezaugarri nagusia handiak eta gihartsuak izatea da, eta bizi diren inguruneari ederki egokituta egotea.

2.- Sariketaren atalak

Sariketak hiru atal nagusi izango ditu:

a) **Pottokak.** A atala. Honako sariak emango dira:

- Zaldiak (3 urte edo gehiagokoak): 3 sari (gehienez) 375 €koak (*)
- Behorak (3 urte edo gehiagokoak): 3 sari (gehienez) 250 €koak
- Urteko moxala (**2025ean** jaiotako zaldikoa nahiz behorra): 3 sari (gehienez) 200 €koak

b) **Euskal Herriko Mendiko Zaldia.**

- Zaldiak (3 urte edo gehiagokoak): 5 sari (gehienez) 200 €koak
- Behorak (3 urte edo gehiagokoak): 5 sari (gehienez) 200 €koak
- Urteko moxala (**2025ean** jaiotako zaldikoa nahiz behorra): 5 sari (gehienez) 200 €koak

d) **Haragitarako Zaldia.**

- Zaldia (3 urte edo gehiagokoak): sari bat 375 €koa (*)
- Behorra (3 urte edo gehiagokoak): sari bat 250 €koa
- Urteko moxala (**2025ean** jaiotako zaldikoa nahiz behorra): sari bat 200 €koa

Haragitarako sariketako baldintzak betetzen dituzten zaldiek 112 €ko dieta jasoko dute, eta behorak eta moxalak 75 €koa; baina, gehienez ere, 360 €ko gehieneko dieta emango da ganaduzaleko (dirua beraiek emandako kontu zenbakian sartuko da).

Dietak Udalak zehaztutako kopurua (20 buru) gaindituko balu, proportzionalki banatuko da.

e) **Ezkio-Itsaso, Gabiria, Legazpi, Ormaiztegi, Urretxu eta Zumarragako abere-talde onena aurkezten duenarentzat:**

- 250 euro

Saria jasotzen dutenek garaikurra ere izango dute.

(*) Saria/dieta PFEZren atxikipenari lotuta dago

Epaimahaiak, atalen batean edo atal guztietan, saria merezi duenik ez dagoela ebatziz gero, sari hori eman gabe utz dezake.

Sariak Kalebarren-Areizaga plazan banatuko dira, Santa Lutzi egunean bertan, eguerdiko 13:30etan hasiko den ekitaldian.

Abere jabea sari banaketan agertzen ez bada, sariari uko egin diola ulertuko da.

3.- Sariketako epaimahaia

Sariketako epaimahaia Zumarragako Alkate jaunak izendatuko du zinegotzi arduradunaren proposamenaren arabera, eta horretarako kontuan hartuko da gai honetan adituak diren erakunde publiko, pribatu edo partikularren iritzia.

Epaimahaia gutxienez hiru teknikarik osatuko dute, eta gehienez bostek: guztiak ere gai honetan adituak izango dira. Teknikari horietako bat Epaimahaiko idazkaria izango da, eta erabakia agiri batean jasoko du. Erabaki-agiriak udaletxeko idazkaritzan egon beharko du abenduaren 13ko eguerdiko 12:30ak baino lehen.

Epaimahaiaren erabakia aldaezina izango da, eta horretarako honako irizpideak hartuko dituzte kontuan:

4.- Kontuan hartuko diren ezaugarriak

- a) *Haragitarako* zaldi abereetan, ezaugarri morfologiko egokiak izatea, eta *Pottoketan* eta *Euskal Herriko Mendi Zaldietan* arraza-prototipoarekin bat etortzea.
- b) Adina.
- c) Sexua.

5.- Sariketaren baldintzak

Pottoka, Euskal Herriko Mendiko Zaldia eta haragitarako zaldi-abereak: Ganaduzaleak parte hartzeko asmoaren berri jakinarazi beharko dio Zumarragako Udaleko Kultura Batzordeari, **azaroaren 20ko 14:00ak baino lehen**, 943-72.35.10 telefonora deituta. Honela, sariketan parte hartuko duten abereentzat toki berezia prestatuko da. Izena ematerakoan honako datuok jakinarazi beharko dira:

- Ganaduzalearen izena eta helbidea.
- Sariketako atal bakoitzera aurkeztu nahi dituen abelburuen identifikazio zenbakiak. Sariketara bakoitzera gehienez ere BOST abere aurkez ditzake.
- Pottoken kasuan abereen kalifikazio agiria, dagokion Lurraldeko Pottoka Elkartek emana
- Euskal Herriko Mendiko Zaldiaren kasuan ere, abereen kalifikazio agiria, dagokion Lurraldeko Euskal Herriko Mendiko Zaldien elkarteak emana.

Ganadua ganaduzaleak berak ekarri beharko du abenduaren 13ko goizeko 9:00ak baino lehen Urdaneta hiribideko feria-lekura, eta bertan zehaztuko diote non jarri behar dituen abereak, sariketako abereentzat leku berezia izango baita. Eguerdiko 14:00ak baino lehen ezin izango da sariketako abererik jaso.

Abere guztiek gaur egungo legediak eskatzen dituen osasun eta identifikazio-agiriak izan beharko dituzte, eta antolatzaileek zehaztutako lekuetan lotuta egon beharko dute.

Antolatzaileek ez dute bere gain hartuko aberek eragin ditzaketen kalteak, min hartze nahiz bestelakorik: ez ganaduzaleari gertatutakorik ez ikusleei eragindakorik ere.